

正寧縣志

卷三三

第一冊

叙 凡例

目錄 輿圖

星野 沿革

形勢 山川

正寧縣志序

周官有小史掌邦國之志又外史掌書外令掌四方之志志之由來尚矣雖然志豈易言哉江文通曰修史之難莫過於志蓋史繁而志寡使序事紀載煩而不整俗而不典書不實錄文不勝質舉不足以示當時而傳後世故必識足周事物之體才足達天下之用學足窮古今之牘文足發幽顯之情夫然後於事不誣而於志稱善國史有之邑乘宜然正寧禹貢雍州之域星應井鬼周爲北幽秦屬北地漢爲陽周屬上郡隋爲羅川屬北

正寧縣志

序

地唐爲真寧屬寧州明末改屬慶陽

國朝更名正寧峯嵐秀奇川谷深窈屏藩三輔犄角邠寧爲一方形勝其中山水靈淑古蹟森羅如橋山琴峯靈湫溫泉以及唐臺兔穴諸奇觀目不暇賞鍾爲人物更多瑰琦磊落忠烈不磨若漢之義陽侯傅唐之定遠于公明之景中丞趙光祿則其尤著者也惜縣志久闕其人地可傳事績可紀者百餘年來往往散逸不可考不有以搜緝纂修稱是以往再越數十年不惟散逸者無稽卽僅存者卒亦同歸湮沒耳邑侯折君佩湘奮然有

志於此遠稽近考目涉手批自出一家言編而成帙將
付剖劂先以稿示余余爲覽之見其條分縷析綱舉目
張其中叙事屬辭悉皆整而不煩雅而不俗書不失實
質不掩文或序論以開先或評斷於篇後無不折衷至
是訂証無訛上下數千年沿革建置之紛山川人物之
備風俗土產之別政教祥膏之徵莫不燦若列眉瞭如
指掌不禁喟然歎曰折君其良吏而兼良史者乎君以
山右少年聯捷科第一行作吏歲甫二週道齊有方教
養兼舉民安治理士沐薰陶津津乎譽著循能歌興父
正寧縣志

序

母固已功懋一時矣乃復於簿書之暇珥筆汗青將正
邑之前後古今洪纖巨細靡不闡揚善美記載詳明事
則繼往開來文可信今傳後誠足以光

國家文明之治而增一邑之光也使非明體達用學邃文
優烏睹良史之所難操之良吏而易易哉觀斯志也君
之有功於茲邑者不在一時而在萬世矣欲知君之政
及君之才識與學者其於斯志求之乾隆二十八年歲
在癸未仲冬月上浣日西昌吳一嵩撰

自叙

志者史之遺也而亦通於經譬諸山水經史其海嶽乎
志乘其海之波而山之阜乎正寧葦爾邑余作令其地
星燧兩周嘗登唐臺窮馳道觀秦漢以來盛衰之故因
上溯公劉舊疆而嘆姬周敦本力穡之遺風猶有存者
惜乎舊志刳斲不能盡古今之變今

國家太平翔洽文治昌明

各憲又復屢徵縣志不舉而新之是人巨流而我絕港
也人千仞而我一簣也遂不自揣成新志十有八卷雖

正寧縣志

自叙

一

不敢謂與經史相表裏較之舊志則大備矣後之君子
徵文考獻或可爲尺波片石之一助云乾隆二十八年
十月旣望陽曲折遇蘭自叙



凡例

一志爲實錄務博者誇多闕靡好簡者掛一漏萬其失也均舊志寥寥二本缺而不備覽者深憾之況國家百餘年來久道化成氣象規模迥非昔比尤不可不見之紀載今於公餘之暇焚膏繼晷遠紹旁搜成新志十有八卷綱目分明以期詳而有體

一志者紀載之文然必兼以論斷俾是非得失如指諸掌方見有關政治若第組織事實將焉用志爲今按閭閻風土情形於日後斷其是非於綱後論

正寧縣志

凡例

一

其得失以爲補偏救弊之助若本文業已詳盡者則不復贅

一天文地理建置祠祀田賦官師獻徵爲七大綱星野沿革形勢山川古蹟勝景風俗物產城池公署驛傳學校兵防里甲倉庾橋道壇廟賦稅戶口經費職官名宦人物忠節鄉賢孝義列女文學方技流寓仙釋選舉爲三十二目各以類附而統屬綱內如振裘挈領而不亂焉祥青軼事藝文則各自爲綱目體裁限之也

一學校文廟宜分列不宜統附至壇廟典禮小邑多未之講故條分縷析原原本本不厭其詳因此求之而更博稽祀典庶幾條貫靡遺

一士習民風他志過於粉飾轉失真面目茲據實書之而得失俱見

一節孝有關風化其已經

旌表者固必載入或從前未經呈報今訪聞確實者一併詳載以彰潛德

一選舉仙釋流寓等項俱統入獻徵者以類相從也

正寧縣志

凡例

二

選舉列在獻徵後者有人材而後有選舉也若疆域陵墓集市寺觀不能另列一冊俱各以類附以免頭緒紛雜

一藝文去取從嚴所謂嚴者非以數之多寡言也康對山武功志錄姚武功詩多至五十餘首而文廟李頤曲新二碑以文辭鄙冗削而不錄識者許之茲本其意

一從來作者之病多喜創而不喜因不知春秋魯史一經筆削則爲孔子之書此著作之體也茲志中

時或兼採他志必註明本某志懼剽美也若本他志而增損之則不復贅

一考据典故期於信而有徵茲志凡涉援引必註明按某書或本某處以資考證若用相傳二字者以其說不見經傳疑父老之傳聞未可盡信也

一茲志成於癸未至甲申始付剞劂凡乾隆二十九年事蹟亦間爲增入

一茲志撰次校對皆出余手起於癸未八月至十月編成案牘之餘燈殘筆秃頗費苦心特一人聞見

正寧縣志

凡例

三

無幾不免掛漏舛雜之愆博雅君子幸進而教之

正寧縣志目錄

陽曲折遇蘭佩湘氏撰次

卷之一

凡例

目錄

輿圖

卷之二

天文志

星野

正寧縣志

目錄

一

卷之三

地理志

沿革

形勢

疆域

山川

卷之四

地理志

古蹟

陵墓坊表

勝景

風俗

物產

卷之五

建置志

城池

公署

郵傳

學校

卷之六

正寧縣志

目錄

二

建置志

兵防

里甲

倉庾

橋道

卷之七

祠祀志

壇廟
寺觀

卷之八

田賦志

賦稅

經費

戶口

卷之九

官師志

職官

名宦

卷之十

正寧縣志

目錄

三

獻徵志

人物

忠節

鄉賢

孝義

卷之十一

獻徵志

列女

文學

方技

流寓

仙釋

卷之十二

獻徵志

選舉

科甲貢封廕掾并載

卷之十三

祥雉志

軼事志

正寧縣志

目錄

四

卷之十四

藝文志

箴 銘 頌

卷之十五

藝文志

記 序 書

卷之十六

藝文志

詩

卷之十七

詩

卷之十八

詩

詩餘

正寧縣志

目錄


五

輿圖

正寧縣志

輿圖

縣境



寧州寧



平子鎮

正寧縣志


輿圖

城圖

二



琴峯古洞




正寧縣志

輿圖

縣景

三




正寧縣志

輿圖

縣景

四



泰山拱翠



正寧縣志

輿圖 縣景

五

靈湫喬松

